



**Les Fleurs Des Vies Des Saints Et Des Festes De Toute  
L'Annee, Sivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**


xxviii La vie de saint Victor Pape & martyr.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

qu'elle luy mit entre les mains, disant, cet enfant vous suivra quelque part que vous alliez, & vous le presenterez a Dieu, & vous le ferez baptiser. Il fut ainsi baptisé, & nommé Celse, & depuis le mena tousiours avec soy, où il le endura plusieurs travaux, peines & tourmens. Ils furent pris en France par vn President, appelé Dinouaus, & cet enfant Celse fut estrangement fouietté: mais endurant les coups d'vn courrage viril, il dit, balbutiant au Juge, Dieu, à qui ie fers te iugera. Apres cela l'Empereur Neron ayant eu aduis que Nazare desistoit le peuple d'adorer les Dieux, preschant que Iesus-Christ estoit le Dieu du Ciel & de la terre, ce qu'il faisoit croire à plusieurs, & que sa doctrine estoit suivie en France, il le fit prendre & amener à Rome, où l'Empereur s'efforça de luy persuader de sacrifier aux idoles: & voyant qu'il n'y vouloit aucunement condescendre, il le fit jeter dans l'eau avec l'enfant Celse. On les mena au port d' Ostie, & les ayans fait entrer dans vne barque, ils les ietterent bien auant en la mer. Lors que les satellites de l'Empereur pensoient les auoir submergez, & fait seruir de viandes aux poissons, ils les virent par grande merueille cheminer sur les eaux: ce miracle les contraignit d'honorer ceux auxquels ils auoient voulu oster la vie, & prirent Nazare pour leur maistre: lequel ils suivirent: Nazare se trouuant libre, retourna prescher par les villes d'Italie, & s'arresta à Milan, où il fut pris derechef par le mesme President Anolin, qui l'auoit fait fouietter & bannir, lequel apres en auoir cōsulté à l'Empereur (d'autant que Nazare estoit citoyen Romain, & homme de grande qualité) il luy fit trancher la teste, & semblablement à Celse. Ces saints furent martyrisés le vingt-huictiesme iour du mois de Iuillet, enuiron l'an de nostre Seigneur Iesus-Christ, le soixante-huictiesme, encore que d'autres mettent leur feste au douziemesme iour du mois de Iuin, qui est aussi le iour auquel saint Ambroise trouua leurs corps Saints dans la ville de Milan, lesquels furent honorez en ceste ville-là. Et du depuis on depart leurs Reliques sacrées, comme vn tres-riche & tres-precieux thesor, en diuerses Prouinces & parties du monde, ainsi qu'a remarqué le Cardinal Baronius en ses Annotations, sur le Martyrologe Romain.

LA VIE DE SAINT VICTOR,  
Pape & Martyr.

Eglise celebre le mesme iour la feste de saint Victor, Pape & martyr, lequel par la mort de saint Eleuthere aussi Pape & martyr, succeda cinq iours apres au siege de saint Pierre le premier iour de Iuin, il estoit Africain de nation, fils de Felix, homme tres-saint, & capable du saint Siege, lequel il gouerna neuf

mois & vingt-huict iours, selon le Cardinal baronius. Ce S. Pape se monstra fort genereux contre les heretiques, qui de son temps infectoient l'Eglise, & contre quelques Catholiques qui se vouloient separer de l'usage de l'Eglise Romaine en la celebration de la Pasque. Il condamna Theodore Heresiarque de Costantinople, lequel du temps de l'Empereur mare Aurele (auoit par la crainte des tourmens) renié la foy de Iesus-Christ, & depuis pour excuser, forgea de nouvelles heresies & erreurs, à raison desquels il fut excommunié, & retraché du giron de l'Eglise par ce saint Pape. Du temps de son Pontificat, il s'esleua entre les Euesques d'Asie vne fort grande question touchant la celebration de Pasque: car plusieurs soustenoient qu'il la falloit celebrer le 14. iour de la Lune, auquel les Iuifs auoient accoustumé de manger l'Agneau Paschal, & nostre Redempteur Iesus-Christ l'y mangea. Les autres disoient que ce deuoit estre le Dimanche d'apres, auquel le sauueur resuscita. Pour resoudre ceste question, on assemble plusieurs Conciles en diuerses Prouinces de l'Orient, & de l'Occident, nostre Saint Pontife Victor en assemble vn à Rome, auquel ce que le Pape Pie auoit auparauant commandé, fut confirmé, qu'on celebrast la Pasque le premier Dimanche qui viendra apres le 14. iour de la Lune de Mars, tant parce que nostre Seigneur estoit resuscité le Dimanche, que de peur de nous conformer aux Iuifs: aussi que l'Apostre saint Pierre l'auoit ainsi enseigné, & fait pratiquer en l'Eglise Romaine. Lequel Decret fut confirmé par le S. Concile de Nice, & depuis a tousiours esté inuiolablement obserué en l'Eglise Catholique. S. Victor, eut tant de force & de constance à ce faire obeyr en ses commandemens, qu'il resolut de retrancher de la communion de l'Eglise, tous les Euesques & Prelats, qui estoient des premiers, & en grand nombre, lesquels demouroient en l'aduis contraire. Car ceste occasion fortifioit les heretiques, & estoit à craindre qu'il n'arriast vn grand schisme en l'Eglise de Dieu. Saint Victor ordonna plusieurs autres choses saintes & vtils, qui se trouuent es Decrets.

Finalemēt en la 5. persecution qu'endura l'Eglise sous le cruel Empereur Septime Seuer, il fut martyrisé avec plusieurs autres Chrestiens l'an 203. de nostre Redempteur, le 28. de Iuillet. Son corps fut enseuely au Vatican. Il tint deux fois les Ordres au mois de Decembre, esquelles il fit quatre Prestres & sept Diacres, & consacra en diuers lieux douze Euesques.

F ij

28.  
I VII.  
LET.